

寧國府志卷九

輿地志

星野

在天成象在地成形星野之說由來尚矣但其微妙非精于歷算者不能推測况宣城前輩如倪觀湖正梅勿菴文鼎師生兄弟父子均以歷算著名則授受淵源當必不爽而舊志所載星野一門援引亦最詳核故悉仍其舊文而不加增損云

郡本古吳越地亦為楚其州揚州其郡丹陽其星南斗牽牛須女其次星紀其辰丑

寧國府志

卷九

輿地志 星野

一

按斗牛女三宿凡四十餘度而星紀之次止三十度有奇故斗初入寅女未入子皆非星紀諸家分野之說有主十二次言者有主二十八舍言者今並存之以待考

周禮保章氏注星紀吳越也魏太史陳卓曰於辰在丑吳越之

分野屬揚州

隋書地理志揚州於禹貢為淮海之地在天官南斗十二度至

須女七度為星紀於辰在丑吳越得其分

唐書天文志斗牽牛星紀也初南斗九度

餘千四十二秒十二太

中南斗二十四度

餘千七百八半

終女四度又曰星紀得雲漢下流

百川歸焉故其分野自南河下流窮南紀之曲東南負海為

星紀

明天文清類分野書曰斗牛在丑自斗三度至女一度屬吳越分揚州

以上以星紀之次為吳越分主十二次言也

史記天官書曰二十八舍主十二州又曰斗江湖牽牛婺女揚州又曰越之亡熒惑守斗

漢書地理志吳地斗分野也今之會稽丹陽豫章廬江廣陵六安臨淮郡吳分也

晉書天文志斗志牽牛須女吳越揚州九江入斗一度廬江入斗六度豫章入斗十度丹陽入斗十六度會稽入牛一度臨淮入牛四度廣陵入牛八度泗水入女一度六安入女六度

寧國府志

卷九 輿地志 星野

唐書天文志南斗在雲漢下流當淮海間為吳分

宋史天文志南斗六星南星者魁星也石申曰魁第一主吳二會稽三丹陽四豫章五廬江六九江

明天文清類分野書寧國屬斗分

以上以斗牛女三宿為吳越分主二十八舍言也

諸家歷法所測星度不同今考如後

星紀距度考

前漢志 三統 說周 歷

自斗 十 度

至女七度

唐李淳風晉隋兩志 魏太史陳卓並同

質直 說周 易

自斗十度

至女五度

蔡邕 月令 章句

自斗六度

至女二度

劉昭後漢志魏陽 偉景初歷並同

北魏志 正光 曆

起斗一度

至牛五度

唐一行 大衍 曆

初斗九度

餘千四十二
秒十二太

終女四度

宋志 元祐 觀 天 曆

初斗九度

終女六度

南宋 紹熙 統 天 曆

初斗四度

三十五分
秒九十二

終女二度

九十五
分秒七

金 曆志

起斗四度

三十六分六
十二秒外

至女三度

九十一分
九十一秒 耶律楚材 曆同

元史 授時 曆

起斗二度

七十六分
八十五秒

至女二度

六分三
十八秒

明 天文 清類 分野 書

起斗三度

至女一度

西 曆 萬 曆 甲 辰 李 之 測

起箕三度

至牛初度

以上言星紀之度不同者凡十二家依古曆起斗十二度則斗建星全入燕分為析木之津若正光曆起斗一度畢牛五度則牛六度為齊分而女宿全入齊其相懸若此又李淳風麟德曆以前不用歲差故皆以大雪日躔為星紀之初自大

寧國府志

卷九

輿地志 星野

三

衍曆分天自為天歲自為歲故授時曆以冬至後數日始躔星紀而今西曆以中氣過宮日躔星紀為冬至是不惟南北至有歲差即十二次歲歲有差全異古法矣

斗牛女宿距度考

諸家所測赤道

南斗

牽牛

婺女

漢 洛下宏所測

二十六度

及分

八度

十二度

唐 一行所測

宋景祐測驗同

二十六度

同漢

同漢

宋 皇祐所測

元豐所測同

二十五度

七度

十一度

崇寧所測

同皇祐

七度

少

十一度

元 至元所測

二十五度

二十分

七度

二十分

十一度

三十五分

按後漢律曆志尚書考靈曜斗二十二度無餘分唐書大衍曆議古曆南斗至牽牛上星二十一度入太初星距四度上

直西建之初故殷周等六家之歷或以南斗魁首為距夫以南斗命度或以建星命度一行又曰古歷以南斗魁首為距夫以南斗命度或以建星斗六星全入箕度矣自漢測以後用斗魁第四星為距故與古異然歷代所測又各微差元史歷議則疑其小有動移西歷則謂恒星隨黃道轉動歲歲不同其是耶又古歷惟用赤道永元以後乃黃道之儀亦論星度者所當知

諸歷黃道

南斗

牽牛

婺女

後漢永元銅儀

二十四度四分之一

七度

十一度

隋劉焯皇極歷

二十四度

同漢

十一度半

唐一行大衍歷

二十三度半

七度半

十一度少

此據開元十二年日躔所定上考下求當據歲差

宋紀元歷

元耶律楚材庚午元歷同

二十三度

同漢

同漢

金趙知微歷

二十二度

同漢

同漢

寧國府志

卷九

輿地志 星野

四

元授時歷

二十三度四分七分

六度九十分

十一度一十二分

此據至元十七年日躔所定上考下求用增減歲餘周天之分以求歲差即得其年黃道本度明大統歷不知此法所以有差非授時本法之失

西歷

明萬歷中所測

二十三度半同大衍

七度同永元

十一度同永元

此據萬歷甲辰所定其數畧同漢唐然西歷以三百六十整度立算減去五度四之一暗加于各度之中西歷一度為古法一度有奇故不同也至西歷黃道別有南北兩極各距赤道極二十三度半其分周天黃道度與其辰次皆從黃極為心是與赤道竟意有斜直之差與元史同回法合非僅如古歷黃赤道殊濶狹而已

史載古占附

漢武帝元鼎中熒惑守南斗南斗越分也其後越相呂嘉亂越

越以亡

順帝永和四年七月壬午熒惑入南斗犯第三星五年九江丹陽賊周生馬勉等攻沒州縣

吳主亮五鳳元年十一月白氣出南斗側廣數丈長竟天王肅曰此蚩尤旗也東南其有亂乎二年正月彗星出吳楚分西北竟天次年吳改元太平九月壬辰太白犯南斗太平三年孫琳廢亮

晉哀帝興寧元年十月丙戌月掩太白在須女占曰災在揚州孝武帝大元十九年十二月癸丑太白犯歲星在斗占曰爲亂饑斗吳越分後二年王恭等舉兵朝廷戮之連年水旱饑

梁武帝天監元年八月壬寅熒惑守南斗占曰吳越有憂是歲大旱米斗五千人多饑死

唐代宗大曆十年正月甲寅歲星熒惑合于南斗占曰饑旱吳越分也一曰不可用兵
德宗貞元十九年三月熒惑入南斗色如血斗吳越分色如血者旱祥也

憲宗元和十五年八月己卯月掩牽牛吳越分也

昭宗光化三年十月太白鎮星合于南斗占曰吳越有兵

明萬曆五年蚩尤旗入南斗占曰吳越水本年八月吳越大水

八年尤甚本府南陵縣被害尤劇

見南陵志

右自漢以降史所記七曜凌犯星氣在斗牛女者繁不勝書今錄數條以與分野之說相發明也左氏曰越得歲而吳伐

之漢書亦以吳地爲斗分越地爲牛女分而今詳徵諸史有以斗言越牛言吳越或斗牛女合言吳越揚州未嘗執一也一夫悲怒霜飛虹貫况一郡乎或欲鑿某一度定爲一郡之分而餘無所與非通論矣

星紀斗牛女外仍有占吳越分野之法附錄如後

史記天官書吳楚之疆候在熒惑

此以五星言分野也熒惑火精故南國以爲候

又曰占爲鳥衡

此以四七宿言分野也鳥者南官七宿東井輿鬼爲鶉首鬼又爲天目柳爲味七星爲頸張爲喙翼爲羽翮軫爲鶉尾合之象朱鳥也衡者太微三光之庭鳥與衡同在南宮故亦占南國

後漢天文志玉衡斗七星也第六星主揚州常以五巳日候之

辛巳日爲丹陽

寧國府志

卷九

輿地志 星野

六

晉書天文志北斗七星一主秦二主楚三主梁四主吳五主燕

六主趙七主齊

隋志述石氏亦同

宋史天文志北斗第四星曰權星其分爲吳漢志主荊州第六

星曰闔陽其分爲趙漢志主揚州

此以北斗言分野也王官二十八舍主十二州斗乘兼之所從來遠矣班志亦云

隋書天文志五車五帝座也西北大星主秦次東北星主燕趙

次東星主魯衛次東南星主楚次西南星主魏五星有變皆

以其所主占之

晉志同

此以五車星分配五房則言楚者吳越在其中

隋書天文志九坎東列星北一星曰齊齊北二星曰趙趙北一

星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕其星有變各以其國占之

宋史天文志十二國十六星在牛女南近九坎各分土居列國之象位次畧同隋志又引陶隱居云越一星在婺女南

此並舉楚越而不言吳則吳越同占

宋史天文志天市垣二十二星象天王在上諸侯朝王王出臯門大朝會西方諸侯在應門左東方諸侯在應門右其東藩第六星曰吳越

寧國府志

卷九

輿地志 星野

七

以上三者皆以中外官星言分野也五車天市在列宿北古謂之中官十二國星在列宿南古謂之外官

史記天官書曰加以日時用命其國又曰丙丁江淮海岱也

前漢天文志同

漢志又云丙楚戍吳越

此又以時日支干言分野也

以上仍前志康熙十二年纂修時所博考而詳列之者也今亦不必更爲增損但於其中有當分別者謹爲之說於左

一諸家分野之說有以十二次言者星紀吳越之類是也有一以二十八宿言者斗江湖牽牛婺女揚州之類是也然以宿

言斗牛女當雲漢下流終古不變而吳越當長江末流亦終

古不變其於配合之象協應之理固無可疑若以次言則星

有歲差宮有動移周簡王丁亥冬至日在斗二十三度

帝堯元年

甲辰冬至日躔虛七度夏不降乙未日躔女十
一度商武乙丙寅日躔牛七度至是始躔斗度大雪日在斗

八度故以斗八度至女八度爲星紀

古歷以大雪日躔之度爲星紀初度

而斗

牛女之度多在星紀

左氏言斗牛分者多曰星紀以此

若唐堯甲辰冬至日

在虛七度大雪日在女三度則以女三度至危十三度爲星

紀而虛危之度在星紀斗牛之度在析木矣如以析木爲燕

星紀爲吳越不將以斗牛爲燕虛危爲吳越乎至明嘉靖間

冬至日在箕三度大雪日在尾六度則又以尾六度至斗九

度爲星紀而尾箕之度在星紀牛女之度在元枵矣如以元

枵爲齊星紀爲吳越不又將以牛女爲齊尾箕爲吳越乎是

知以宿言者是而以次言者非也

一禹貢淮海爲揚州受長江下流而彭蠡震澤二大湖瀦焉

范蠡又言吳越爭三江五湖之利是江湖卽揚州地也故天

官書曰斗江湖牽牛婺女揚州乃用互文猶言斗牛女揚州

耳非以江湖揚州爲兩地而斗與牛女分屬之也然斗與牛

女自有當分屬者蓋斗穿雲漢而吳跨長江故斗當屬吳牛

女稍離於雲漢而越稍遠於長江故牛女當屬越左氏謂越

得歲而吳伐之必受其凶

見昭三十二年

此時必歲在牛女而不在

斗也不然越得歲吳亦得歲何以言吳受其凶乎然則今之江南浙西諸郡屬吳當占斗其浙東諸郡屬越當占牛女明矣

一南斗主吳以魁杓六星與其所占之度總爲吳分耳若石申以第三星主丹陽第六星主九江則漢順帝永和四年七月熒惑入南斗犯第三星其應當止在丹陽而九江何以亦有攻沒州縣之賊乎此分星之不確也唐李淳風撰晉天文志又以斗十六度入丹陽夫一斗宿耳而必剖此度入丹陽則又必剖此度之某分秒入丹陽之某邑不旣鑿乎且左氏以心爲宋星於晉爲梁國睢陽等縣而淳風以淮陽一郡楚

魯二國當之參爲晉星於晉爲河東河內等郡而淳風以益州一州巴蜀漢中等郡當之則於星工亦大失契勘矣其所分者豈足據乎此分度之不確也又南斗之分實占江南浙

西江西廣東諸省廣東卽漢之南越國

漢武帝時熒惑守斗其後越遂亡故天官

書曰越之亡熒惑守斗此越是南越乃秦南海郡尉趙佗之後南海卽今之廣東省是廣東亦斗分也

而申與

淳風皆未及則已疏矣又申以斗第二星主會稽而淳風以牛第一度入會稽將以何者爲是耶

一熒惑火精鳥衡南象謂吳楚候之於理似可通然實不確蓋熒惑天之罰星其所守犯之野則有兵戎爰旱之災而且周流到舍變動不居非若列宿之靜守一方專應一隅是主

事不主地也鳥衡者鳥卽井鬼等宿衡乃太微三光之庭井鬼等宿旣分屬秦蜀周楚之野矣井鬼秦蜀也柳星張周也翼軫楚也而太微乃朝廷之位太微垣帝座居中郎位虎賁居左右幸臣從官居後左右執法居前皆朝廷之象非列國之墟也何以言吳楚之占爲熒惑鳥衡亦可見其爲臆說矣

一北斗七星亦有分野之說然後漢志以第六星主揚州而晉隋宋三志又以第四星主吳占者將何所適從况一行謂雲漢地紀北斗天綱是北斗當以綱紀占而不當以分野占矣故春秋文公十四年孛入北斗而叔服謂應在宋齊晉以宋爲先代之後齊晉爲天子方伯乃列國綱紀也若以分野

寧國府志

卷九

輿地志 星野

十

占則斗魁四星乃秦楚梁吳之分何以秦楚梁吳無應而應偏在宋齊晉至五車五星九坎東十六星天市垣二十二星一有變異各以國占史雖有其文而未言其驗則亦猶之北斗耳唐高宗戊辰四月書彗星見於五車漢章帝丙子八月桓帝丁亥八月史皆書有星孛於天市然俱不以分野應若時日支干之占尤覺杳渺難憑

一寧郡故吳地也吳東濱海而西界楚左傳襄公三年楚伐吳克鳩茲定公二年楚伐吳師於豫章豫章今之江西省在寧與池之西南鳩茲今之蕪湖縣在寧之西北而皆屬吳則寧之爲吳地審矣然元王三年吳亡屬越顯王三十五年越亡屬楚故後世言分野者或吳越並言或言越不及吳又或

言楚不及吳越皆於理無害但以斗牛女三星占則載於前
史者班班可考而以熒惑鳥衡及北斗五車等星占則於前
史不稍概見亦可知中外宮星之不必以分野言矣郡治緯
度在赤道北三十一度宣治附郭與郡同下經度亦然故見北極出地上三
十一度而南極入地下三十一度南邑畧同涇寧則稍南旌
太又稍南皆在赤道北三十度有奇其經度則郡治直京師
東一度直省城西不及半度而旌次之寧則稍東太涇南則
稍西要皆在京師之東省城之西耳若其分野則皆當於斗
候之也抑分野之說昉於周禮保章氏職云以星土辨九州
之地所封封域皆有分星以觀妖祥以十有二歲之相觀天
下之妖祥以五雲之物辨吉凶水旱降豐荒之祲象而其末
曰以詔救政訪序事則古之言分野者凡以爲國爲民且古
者王室既有保章而列國又各有星官如魯梓慎鄭裨竈宋
子韋之類當是時國重其司人精其學故凡大災兵寇之憂
水溢旱乾之患皆能未至而知之先時而備之如左傳襄九年宋災之類
此見先王道術之實用也今州郡既無星官觀臺不設儀器
不具測候不講雖乾象示警無自知之奚由而備則夫爲保
章氏者其責不尤詳且重乎

以上並乾隆府志

寧國府志卷九

風俗

揚州厥性輕揚南方之強寬柔以教不報無道吳楚士以文辭顯巧而少信俗敬巫鬼重淫祀民亡積聚飲食還給雖無千金之家亦不凍餒吳粵俗好劍輕死易發多女而少男永嘉已後衣冠違難萃於江左藝文爲盛閭閻賦隸力役之際吟咏不輟有顏謝徐庾之遺風此皆概舉南方風俗媿惡蓋兼之矣今府境居揚十一風聲習氣猶有可驗其近古者民趨於本而不鬪訟懷土重遷自謝元暉已有荒階少諍辭之語至本朝黃太史庭堅又嘉其圩戶之豐庭訟之簡指爲樂

寧國府志

卷九

輿地志 風俗

十一

郊而播於篇什矧今日比近京浙戶繁丁夥視昔加倍而歲斷獄止十數官文書日月稀省爲長民者亦幸其無事而易治也其進於庶富而教之斯有漸矣

嘉定宣
城志

漢書云丹陽郡本屬揚州吳地斗分野也其人巧而少信多女而少男江南卑濕丈夫多天大抵人性風俗與兩浙相類

太平寰
宇記

川澤沃衍有海陸之饒其人君子尚禮庸度敦龐故風俗澄清而道教隆治亦其風氣所尚也

隋地
理志

三朝地理志云川原沃衍有水物之饒自鼎國並建永嘉東遷衣冠違難多所萃止唐末楊氏據其地頗有文物國初討

平班布憲度而茗菴冶鑄金帛杭稻之利歲給縣官用度蓋

半天下之人焉其俗性悍而急葬祭不中禮郡縣志民安俗阜

唐盧肇新興寺碑其清涼高爽韓愈與崔羣書宣州雖稱清涼高爽然皆大江之南風土

不並舟車繁會之鄉唐尉遲樞新安院記陵陽古稱名邦今曰為最雄乃舟車繁會之鄉風俗和柔

之土廣人庶白居易制陵陽輿壤土廣人庶方輿勝覽

陵陽輿壤土廣人庶其地有險所寄非輕唐白居易除范傳正制

地產氣序之平夷江漢岡巒之襟帶唐陳勢大寧塔記

阻以重山緣以大江其俗佻而侈其人勁而悍有裴耀卿者

為刺史端本重學宣人始服化矣唐陳簡甫良吏記

阻山帶江顏謝流風玉海

寧國府志

卷九

輿地志 風俗

十三

東南自古非用武之地大率民俗阜安不樂攻剽號為淳而

易治宋周紫芝移建縣治記

風物繁華之地舟車輳集之鄉衣冠文物之域宋嘉定志

溪山之秀為諸邑冠風習近厚謀訴頗稀賦入以時帑廩充

實來治者安其民淳事簡主簿廳記

地廣而僻民質而文元梅震記

古稱江南之氣勁躔民性輕揚而尚鬼好祀宣亦江南之一

區永嘉之後衣冠避難多萃江左藝文儒術斯之為盛雖閭

閭賤役吟咏不輟蓋亦因顏謝徐庾之風焉

民習耕稼尚貨利士習衣冠禮樂而民質偽相間囂訟生焉

士或好逸惡勞怠於問學在昔庾范江謝顏杜張晏諸公政
先化導士習丕變以故啟吳梅魏貢之相業文章聲昭於時
迨後富則輕視儒雅貧則不崇信義謝元暉所云荒階少諍
辭今不復覩矣

並明劉槃
成化志

俗務耕織薄商販奢儉相當脩禮教而嗜鬪喜訟亦徃徃爲

有司病

李默嘉靖志
以上寧國府

宣城三面皆山惟北爲水鄉民生其間質性不齊大率瘠土
之民剛而尚質沃土之民柔而好夸市廛之民佻而善誑其
居使然也至務耕織薄商販嚴別男女市無笄黛士人脩絃
誦明道術雅重氣節民懼憲章不輕犯有司是則畧同舊所

寧國府志

卷九

輿地志 風俗

十四

云嗜鬪喜訟至以荒階少諍詞爲未然者毋亦未察風草之

義歟

萬歷志

人物富饒風俗樸雅

徐瓊建
縣廳記

金陵上游山環而風萃水曲而氣結是以士多四方之志而
民鮮百里之游擁沃饒以爲利侈露積以爲富挾膏腴以傲
刀錐城肇自晉咸和間民俗敦樸尚里居不樂廛市閱城宅
著姓無幾惟城東越虹橋夾宛句濱水而居多巨室大賈卽
士人亦僑寓焉生齒之繁息泉貨之殷甚物產之滋殖棟宇
之輪奐甲於一城獨稱豐里

朱大器保
豐臺記

產多美材飲食諸物所以利用厚生者不他求而足故秀民

說詩書好禮義閭巷田塘之氓悉有以自資而無慕於外

文王

端直府
治記

自東郭鄒公南野歐陽公緒山錢君龍溪王君或留都蒞官
或水西締會三十餘年人士景附志學之會彬彬乎跂伊洛
之風綿鄒魯之緒矣

明李春芳志
學書院記

山川秀麗風氣清淑士生其間瓌奇雄偉明經脩行習文藝

於學校

明黃宗戴府
學題名記

士俊民秀哲賢著蹟

明尹臺文
昌閣志

力耕織薄商販敦儉樸禋德教不侵然諾砥礪廉隅尊慕儒
術雅尚詩書所可愕者詭習慧訛黔首嚚豪小則睚眦衽怨

寧國府志

卷九

輿地志 風俗

十五

大則狼黠桀驚親死不葬委暴蓬蒿徼冥竊福訟謀日號

工部

尚書雷禮
敬亭山賦

宣俗和柔爲多民懷土無輕去鄉不習工賈鮮蓋藏大夫士
多文弱嘉隆後雖膺仕橐不盈萬恥持籌無兼併子衿無睥
睨官吏君子善吟市人善謠東鄉舊稱善俗其細已甚猶是

近古之遺焉

康熙
志

風敦俗美惜寸土以藝桑麻土愿甿貧際暇日而橫經耒

沈泌

謝公亭
碑記

山水奇秀冠於東南風流文采卓卓可紀者代有其人

佟偉
宛賦

陵課
藝序

宣城自古爲郡治所山水清勝六朝文物萃於首邑徃徃有江謝徐庾之餘風故其君子善吟其市人善謠雖闐闐之庭率張書畫春華秋實不無難兼而衣冠之族類安雅好禮舊志謂嗜鬪喜訟以荒堦少諍詞爲未然者乃明成化初志萬歷志中已言懼憲章不輕犯有司在今更易治矣

二樓記畧以上宣城

度民囂豪風俗詭浮

唐韋瓘南陵大農陂記

山水清勝民俗敦樸自昔多秀民

明楊溥南陵進士題名記

土地肥饒民勤稼穡婦女惟執麻枲鮮治絲繭然河通大江商賈以貨利相尚士則詩書頗習而人物間出如晉何萬倫

唐楊景宋徐元功輩歷有可徵

舊縣志

寧國府志

卷九

輿地志 風俗

十六

縣當孔道馳傳旁午姦宄時發訟牒糾紛剽略山谷脅持官

吏者大抵皆涇南人多

嘉靖志序

民間習俗淳樸節儉佃農之家務本抑末澹於自奉士好學

問婦女恥踰閨闈大較美矣

萬歷縣志序

南陵水十之六山得十四北通大江西阻崇阜姦宄孽窟其間時時竊發頗爲化梗其民勤樹藝早斂穫亦鮮商賈士修文業恬於勢利故嘗以訟牒糾紛脅持官府見爲民病邇且和柔易治非復昔之弊矣

萬歷志

士修德學民知節儉河道淤而商賈寡民知務本嗇於自奉婦女恥出門戶此其近美者然尚氣好訟子壯出分婚嫁論

財媚神徼福之習則今猶存焉

邑舊志序

本縣風俗大都儉僕其弊也嗜利忘義顧小失大至若好氣尚訟止是一朝之忿氣平帖耳而服士風樸茂多株守鮮志四方記云國奢示之以儉國儉示之以禮語云論人於燕趙不當取其慷慨而當取其深沉然則此中所重蓋可知矣

續修

邑志序

南陵地衝多沃野明初養馬爲患後罷役得息肩舊志稱姦宄窟穴訟牒紛詰絃誦希聞徵之於今並非篤論殆其善變也

康熙志

陵俗有美有惡如前志所載大略可觀數十年來漸多蒸變

寧國府志

卷九

輿地志 風俗

十七

雖有習尚儉嗇而閭里時有慕義樂施之風民奉法令勤輸將土工文章敦實行

國朝定鼎以來登仕版者接武此其效也但喜訟佞佛利己伎人奸徒黠役相緣爲弊徃徃有之習俗成於下教化存乎上司風紀者不能無厚望焉

順治邑志

南陵東北地逶迤乎遠民重去其鄉鮮商賈西南崇岡絕嶺居人櫛比至有不識城市者士族無問城鄉及世胄寒峻並閉戶倦遊謁恥奔競登朝列者率持風采鄉曲相尚一惟恂悞無華前朝各社大興陵人聲援絕不相涉也今治經史工舉子業者日盛文風蒸變實鄉先進之功若舊志稱縣當孔

道馳傳旁午奸宄時發訟謀糾紛自當分別良莠審思風草之義此余十年所親蒞一何其淳龐易服哉

二樓小志記略以上南陵

涇枕山帶川土地雖少平曠而亦肥饒男勤於耕女勤於織

鮮事商賈尤賤工作

成化志

涇本沃土五材具興其人性機慧有智能任剛使氣賢者範

礪以成其材舍是則桀黠傲狠訟訐之風他邑所無

嘉靖志

明初新離兵革地廣人稀上田不過畝一金人尚儉朴丈夫

力耕稼給繇役衣不過土布非達官不用紵絲女勤紡績蠶

桑居室無大廳事高廣惟式成化宏治間生養日久輕役省

費民稱滋殖此後漸侈田或畝十金民居或僭倣品官第宅

寧國府志

卷九

輿地志 風俗

十八

男子衣文綉女子服五綵衣珠翠飾金銀務華靡喜誇詐好

剛使氣有健訟告訐者商賈亦遠出他境嫁娶奢靡生女多

不育喪葬用佛事至惑於風水暴露經年或糜費以葬而於

親壠歲時祭祀間多闕然習隨時異而莫之知也

嘉靖縣志

涇緣江帶河在萬山中其地可耕漁又有銀鐵銅漆魚米菓

蔬之饒非大水旱卽不至乾溢其君子好義知恥小人則依

山據險無論事大小輒告訐鉤攝最稱難治

胡巔泉碑記

當東南山水之區田高溪窪幸免流潦間值無陽嗷嗷無措

賑經
圖序

山川盤錯風氣攸凝賢者范礪成材善文藝科第稱盛薄進

取者則崇嚮正學修飭名檢徃徃可觀至桀黠勁悍喜爲訐
鬪或剽掠山谷爲有司病者抑不能無爾

萬歷志

涇士好學問攻文辭科第代不乏人嘉隆間衣冠士宦項背
相望立會於水西講明聖學郡守羅近溪暨名儒鄒東廓王
龍溪錢緒山先後會講一時人士翕然駸駸有伊洛之風

續志

田賦高下墳壙黎赤屢絲璣組之巨篠蕩蟲魚之細莫不炳
炳麟麟摹符禹貢地大物豐無愧名區曩者里號鳴珂家藏
賜帙旣已嵩華文苑黼黻天衣而名臣輩出敦尚風節徃徃
貪繩蟬蚓肉眎虎狼疇昔清流白馬之禍又能膺滂碎首于
黃門喬固暴尸于北寺頃來雲飛紫蓋水躍黃龍猶有挽魯

寧國府志

卷九

輿地志 風俗

十九

陽之戈灑萇宏之血者眞足廉頑立懦弁冕百城矣

順治志

涇人尚氣發公憤舊稱訐持官吏多涇南人頃頗易治蓋武
健嚴酷雷霆所摧折也吏稍循謹爭父母奉之至坐事失職
猶踵相饋餉水火之餘民易見德矣

康熙志

涇舊家多聚族邨落貴土著故市絕浮商亦不願貫他籍或
任氣賢者憤公義不賢者勇私鬪視所用之豈其剛之過耶
明時科第之盛與宣埒講學亦相應和至今民間無少長禮
讀書士皆加于人一等眞美俗也

二樓志

涇介宣陵旌太閭地方百里語言異響謬殊悖反

城以雷爲來西南以

來爲雷之類

城饒宮羽入弱鄰上

如屋覺近尾假之類

東多商角入激且沈

入聲沈捺太低

北角重宮微微羽隱商西南角帶變羽商韻不張

如蕭

肴豪近尤之類

大都喉齶易乎舌位唇齒混乎帶調土音詰屈鄉別

村殊矣

宛陵風土記

郡志稱山民強勁動輒拳挺相加及就質長吏垂首破產不為悔涇民儉嗇獨涉訟則百計謀勝不惜傾家曩時長吏或相肥瘠為低昂近來有司多却竿牘絕苞苴而間有胥役猶或藉神叢而假虎威懲一二以儆其餘庶幾衰止乎

錢志

涇邑風俗諸條略具其他歲時瑣節鄉里即有小殊不煩縷述惟是敝俗相沿大端有三曰停葬曰溺女曰健訟禮三日而殯三月而葬古之制也涇俗惑於形家之說妄意牛眠龍

寧國府志

卷九

輿地志 風俗

二十

耳或厝停堂屋或暴露郊原累月經年弗歸抔土甚至樁穿
柴露旁觀且為慘目為子孫者能無泚頰乎更或水火不虞
尤非仁人所忍言矣父子之恩無男女一也涇俗貴男賤女
女多輒不舉嗣艱者冀目前之速孕資乏者憂異日之贈奩
乃至富而多男之家亦復相習為之赤子入井雖秦越視之
猶有怵惕惻隱之心忍自推其子使之入井乎語云豺虎猶
不食其子兽人也而是可忍也舊邑志孫副使序曰涇民剛
滿而競往往鷓蚌結於睚眦聽斷所及訟謀麇集甚至濟北
之樹汝南之水累年浹歲刺刺不休蓋其風使然大率一人
險健則主文佐鬪實繁有徒一事情爭則蔓引株連糾纏靡

已廢時破產舉弗違恤其頑可憎其愚尤可憫也

國朝涵濡教化百有餘年涇雖僻處山陬土習民風亦蒸蒸日上變矣惟茲數者相沿未改是在賢有司與二三鄉先生導之以孝慈先之以禮讓庶幾弊俗可更耳

錢以上志涇縣

寧國縣山川秀朗土地肥饒民性僞者倍於善人業農桑崇儉約忠良節義代有其人後世稱異但俗之美惡相半

寧國縣志

寧國爲宣繁邑夫子轍環天下嘗經過焉故其風聲氣習尤爲淳厚詩書禮義之教千萬世猶一日也

同上

民業以工商爲末利以耕績爲務本居城列肆俱徽郡之人在鄉營生多江右之客是以土產繁多而民每不足近則江

寧國府志

卷九

輿地志 風俗

二十一

右少而旌邑之民散居四境矣

寧國縣志

寧俗冠禮不行婚姻競聘物嫁資多煩文無親迎禮親戚不甚往來而餽遺則厚

寧國縣志

親喪倩釋道作供齋轉七舉家素食及塋鼓樂道其輻車結綵亭演故事以爲美觀親戚送者皆備紙旗又多卜塋地或年月不吉至十餘年而不塋其親或爭風水至兄弟不睦破家成訟此習俗之弊今士大夫家亦有變其習者矣

寧國縣志

祭禮春秋二祭新喪祭皆素品多搜山林野菜至千餘種親

戚來祭用葷

寧國縣志

寧之俗民淳土樸有適道之資

明鄒文莊守益縣學記

寧環山以爲封犁鋤火耨之跡交于其間山之利幾與田等
僮人浮戶蓋多依焉民既力給頗怵法畏吏其自好者又多
飭廉隅尊慕儒術與勖治者異矣

嘉靖志

雖賢哲迭生而小民黠梗不習禮法

知縣范鎬記

寧岡巒四塞風氣淳龐其民力食樂生故稱怵法畏吏自好
者多飭廉隅尊慕儒術雖厚重少文亦猶有古之風焉邇者
文華冠蓋則稍振于昔矣

萬歷志

寧大僻阻饒山利其人質木土罕交遊其樸近淳其嗇近野

寧國縣志

旌德在深山窮谷之間風聲氣習爭尚簡樸

宋徐銳學記

寧國府志

卷九

輿地志 風俗

二十一

旌德淳古易治民相安於無事

宋邵康學記

旌德地狹山多縣庭簡訟

宋李瞻縣學廳記

旌德田土礲确農無蓋藏

宋趙必法平糶記

旌德田價畝至數十金物土之宜盡出他邑故民多儉嗇斤

斤斷斷以競刀錐之入

嘉靖志

旌邑崇山峻嶺舟楫阻限其民力勤稼穡或雜習工藝以贍
不給士業詩書敦樸茂大率多質勝文者誌云性嗇近利有

葛履履霜之風不其然乎

萬歷志

旌德山壤稽其地山陵什之五池塘什之一溪谷流水什之
一村邑溪道什之一山田什之三良田什之一民居一里千

烟四十里居四萬烟一烟八口十烟八十口百烟八百口千烟八千口萬烟八萬口以四萬烟通計約三十二萬口惡田良田十餘萬畝田畝歲米十餘萬石常有二十餘萬口無食此人有餘而土不勝也故田不足執于山山可墾畚爲田民食朝夕饘粥不補于飢紅女終歲紡績不免于寒富者儉以持家無重味兼殮之奉鮮細茵厚纊之服宴享祭祀賓客往來止於成禮雖俗尚纖嗇亦地土之所產財力不足以供也

萬歷志

成宏以前人心甚古鄉里之老有垂白不識縣官者嘉靖以後漸變漸靡舍本而務末於是百工技藝之人商販行遊之

寧國府志

卷九

輿地志 風俗

二十三

徒皆衣食於外郡逐利於絕徼亦其勢使然也然士喜立廉

隅恥奔競務實學儒童千有餘人彬彬文物埒上郡矣

萬歷縣志

旌邑地瘠山髡度土與穀土略相當民數與穀數不相準然今時古樸之風易而文明食甘服麗歲時嘉會景色漸漸非

舊矣

順治縣志

旌地狹山多田土礱确物產無幾故富者商而貧者工往往散在京省市肆閒居積通易以致富厚其秀者業詩書文武科第與前朝相望矣或山勢峻嶒風氣勁而好勝在善所以轉之耳至合論寧俗貴男賤女爲貧而艱食女多輒不舉特其市無笄黛婦人恥出閨門有足取者婚姻中下之家論財

其居喪受弔宴賓殊多糜費至泥堪輿家言浮屠親樞以待
吉地者祭先之禮豐儉疏數恒戾於古旌亦多有之近日此
風亦稍更矣

二樓
紀畧

旌民多義氣知親上如前明張邑侯入覲以庫項未清不得
行民輒代輸虧帑有義民記見藝文志近時如周侯紀侯皆
虧空數百金亦民間捐貲代納至如均徭役而吏省追呼革
戶首而糧無積欠歷年奏銷全完經徵官屢加紀錄冊載昭

然可核

縣志

旌雖山邑人烟湊集城鄉皆聚族而居近來生齒愈繁大族
人丁至有萬餘其次不下數千卽最少亦三二百人男婦大

寧國府志

卷九

輿地志 風俗

二十四

約相等族各有祠每春冬必合祭以相聯屬姓各有譜凡支
派必分列以序昭穆故皆比戶可稽奸僞無所托足婚姻門
戶相當皆愛惜體面婦女知重名節以再醮爲恥故從一而
終與貞烈迭著貧戶男女幼時卽令學習工藝紡績從無僱
賣作婢僕者視他處差強人意

同上

康熙己丑辛丑歲飢在城各大姓捐貲赴三河蕪湖買米運
旌設局減價平糶民賴以生乾隆癸亥復歲歉城鄉各都巨
族又俱買米減價平糶邑侯蘇一圻深加獎勵詳報上憲撰
文勒碑縣門之西各都圖姓名具載碑中十三年戊辰又米
價騰貴每石值三兩城鄉各族復買米減價平糶秋熟始止

且大族復多建置社倉義穀倘遇歉歲有備無患略做耿壽昌朱熹之遺意焉

同上

旌俗重詩書勤課誦延請名師以訓子弟修儀供膳極忠且敬更設立會文聚族之多士每月有課寒暑不輟課藝又必具贄請正於名宿凡城鄉大姓皆然

同上

旌邑每多義塚瘞埋暴露骸骨或一人輪造或本族公費或同志捐助有呈縣舉行而卷案可稽者有不稟有司而自爲營建者并不使人知而稱爲公置者城鄉各處不一而足夫澤及枯骨稱自西伯掩骼埋胔詳於月令旌人猶得其遺意亦見樂善之一斑云

同上

寧國府志

卷九

輿地志 風俗

二十五

旌邑井里之間祈年報社每歲春秋競舉華麗相尚糜費樂從似誠敬之意微而戲豫之習勝近來人心厭煩就簡稍知禁止此風亦可漸易矣

同上

舊志稱旌邑勇於私鬪健於訐訟蓋由地窄人稠陰陽二基實所難得每於造屋造墳之時或稱稅畝未清或藉界址相連或假售主分業種種嫌隙鼠牙雀角在所不免然地方公正老成之人實力排解即可釋爭長民者苟能諄切曉諭虛公研審是非曲直當堂立判亦未嘗不可化導而使之無訟

也

同上

以上旌德

邑介黃山山峻峭少屈伏水出麻川湍急不可回折其鍾於

人小人則好剛使氣喜以訟勝君子多勁直自遂不爲不義

屈

見太平縣志崔
涯衆樂亭記

仙源在萬山之中土瘠而民淳冠蓋文繡之所不衝大賈重
裝之所不湊紛華盛麗之誘微貞一淳固之習勝蓋士大夫
談道而嗜義者彬彬也其婦女以節烈著者不可縷數

焦紘
貞烈

祠記太
平縣志

太平固古山邑也土生其間類多尚悃悞而厭紛華卽世家
巨族其子若弟亦恂恂然布衣蔬食絕不作世俗軟媚態蓋
所謂質而愿忠而慤者也其爲文亦因之

張廷榜校藝
序太平縣志

善良者傾心豪頑者斂手賦役不後告訐亦稀士習民風質

寧國府志

卷九

輿地志 風俗

二十六

文並茂蓋駸駸乎禮義之邦矣間或地隔人夥猶難追呼遠

近衆寡勢則然也

萬歷
志

太邑羅近溪王龍溪錢緒山諸先生常主教其地而鄉賢周
給諫怡杜文學質俱面領微言以故後之學者蒸蒸蔚起莫
不家周邵戶程朱

舊
志

太平民難於爲業亦勤於爲業如農力田其平疇寬衍號稱
沃饒者十不得五餘悉磽瘠幸高山之巔流泉出焉佃其上
當秋穫時高高下下鱗次如雲亦奇觀也但土薄石肥或一
坵不得穀數勛畊不以牛以鋤其山居無田者則又以鋤山
爲業藝蔴稌粟豆稗茨蘆菹之屬以給地逼仄或壁立不能

留足上下如猿獠用火耕法三年一易又間植桐漆植茶以資旦夕其攻木攻金刮摩設色埏埴諸工大率少土著多雁民客則以興販木材爲上雖有挾千金數百金者自盤剝關稅外獲無幾其資下則紙刀花剪漆扇絨傘諸件走貿四方或遠入黔滇間卽坐而賈者僅緞絹布疋菓實諸物然多下品或上品值貴莫售屠沽家惟豚豕鷄魚牛羊無故不殺又陸通徽歛水達鳩江徽歛米頗翔貴民擔負以往過嶺長數十里卽冬月白汗交流鳩江至邑東門凡三百六十灘水漲則小舟載二三十擔然河流百折石塊磊磊非長年三老莫知其路水稍平載不過十數石或數石遇灘則舟子羣裸入

寧國府志

卷九

輿地志 風俗

二十七

河高聲唱和後推前挽以肩送雖嚴冬莫避蓋邑民之業大

略如此

太平縣志

冠禮三加之禮明季希濶今無復談及

舊府志

婚禮嫁娶六禮差得其半禮尚綵幣釵珥不專侈朱提亦有

富不好禮承筐無實致嘆愆期者君子恨焉

舊府志

喪禮喪用鼓樂修浮屠法事惑于形家之言卜兆數十年暴

骨不葬

舊府志按以上三條舊志原通六邑而言惟婚禮太邑實未嘗廢曰通信曰書庚曰過聘曰送節曰請期

曰親迎六者雖名不盡同于古實則一也不得謂差得其半獨喪葬惑于形家太邑尤其甚竟有延至數代不葬者間有至久久無後須他人代葬者前戊子戊戌及今癸酉夏三發蛟水漂流棺骸充河遍野見聞罔不傷慘爲人子孫者仍不知顧慮亦俗之弊而精重難返者矣

祭禮族必有祠合姓祖先統萃于茲服之親者則又爲支祠
祠多置田以供祭每歲季冬廿四日必備牲帛庶饘鼓樂以
致祭務極豐腆若支祠則又卜日其無祠者則祭于香火堂
於寢無敢廢者墓祭上元清明中元下元除日皆設饌展視
遠出者必歸固厚於報本之大者

太平
縣志

祠內大族多置義田以備荒歉置文會田以資士之課藝皆
豫備與崇文之善物也

太平
縣志

地多溪河山水驟發橋易圯渡易漂徃徃隨敗隨建捐資自
數十百金至萬餘金者時不乏人復置田以資修治道路崎
嶇喜修砌建茶亭置茶田點夜燈以利行人皆俗之最厚處

寧國府志

卷九

輿地志 風俗

二十八

俱見
縣志

宋令孫覺縣廳記云太平山斷嶺隔不可車馬而爲生之資
自足良民間亦自重然不知儒而莫之學今去孫令又數百
年地利加闢俗罔丕革獨服儒獎學彬彬齒於東序其所漸
被宜有變者

嘉靖
志

僻在萬山生計自足山利入厚亦緣之訐訟紛拏薄于自奉
至尚氣爭勝則用或弗貲抑何蔽已獨服儒獎學彬彬視昔
有過焉

萬歷
志

邑僻阻饒山利其士民樸嗇俱與寧國畧同而婦女尤以節

烈相競

康熙
府志

土瘠民淳舊稱冠蓋文繡之所不至今文風日新科名踵接

殆其善變歟

二樓
記畧

以上太平

寧國府志

卷九

輿地志
風俗

二十九